



গণপ্রজাতন্ত্রী বাংলাদেশ সরকার
প্রধানমন্ত্রীর শিক্ষা সহায়তা ট্রাস্ট
সমন্বিত উপবৃত্তি কর্মসূচি
বাড়ি-৪৪, সড়ক- ১২/এ, ধানমন্ডি, ঢাকা-১২০৯
www.pmeat.gov.bd



স্মারক নং- এইচএসপি/মাঠ পর্যায়ে যোগাযোগ/০৪/২০২০ (অংশ-০১)/১০৪

তারিখ: ২৮.০৪.২০২৫ খ্রি.

বিষয়: প্রধানমন্ত্রীর শিক্ষা সহায়তা ট্রাস্টের আওতাধীন সমন্বিত উপবৃত্তি কর্মসূচির ৬ষ্ঠ হতে ১২শ ও সমমান শ্রেণির উপবৃত্তিপ্ৰাপ্ত শিক্ষার্থীদের অনলাইন ব্যাংক হিসাব এবং ‘নগদ’ একাউন্ট ব্যতীত অন্যান্য মোবাইল ব্যাংকিং একাউন্টসমূহ ‘নগদ’-এ রূপান্তরকরণ প্রসঙ্গে।

সূত্র: (ক) সমন্বিত উপবৃত্তি কর্মসূচির গত ০৫/০২/২০২৫ তারিখের এইচএসপি/MIS(প্রশাসন)/৩৫/২০২০ (খন্ড-১)/৩৭ নম্বর স্মারক;
(খ) মাধ্যমিক ও উচ্চ শিক্ষা বিভাগের গত ০৬/০৪/২০২৫ তারিখের ৩৭.০০.০০০০.০০০.০৬১.৯৯.০০৬০.১৮.১৯১ নম্বর স্মারক।

উপর্যুক্ত বিষয় ও সূত্রোক্ত স্মারকের পরিপ্রেক্ষিতে জানানো যাচ্ছে যে, প্রধানমন্ত্রীর শিক্ষা সহায়তা ট্রাস্টের আওতায় বাস্তবায়নাধীন সমন্বিত উপবৃত্তি কর্মসূচি (HSP) এর আওতায় ৬ষ্ঠ থেকে ১২শ শ্রেণির উপবৃত্তির অর্থ ডাক অধিদপ্তরের মোবাইল ফিন্যান্সিয়াল সার্ভিস ‘নগদ’ এর মাধ্যমে বিতরণের লক্ষ্যে প্রধানমন্ত্রীর শিক্ষা সহায়তা ট্রাস্ট, ডাক অধিদপ্তর ও নগদ লিমিটেড এর মধ্যে ত্রিপক্ষীয় চুক্তি স্বাক্ষরিত হয়। বর্তমানে HSP-MIS সফটওয়্যারে বিদ্যমান অনলাইন ব্যাংক হিসাব এবং ‘নগদ’ একাউন্ট ব্যতীত অন্যান্য মোবাইল ব্যাংকিং একাউন্টসমূহের হিসাবধারী প্রায় ০৯ (নয়) লক্ষ শিক্ষার্থীদের উপবৃত্তি প্রদানের লক্ষ্যে তাদের একাউন্ট ‘নগদ’ এ রূপান্তর করার অনুমোদন দেয়ার জন্য সূত্রস্থ ‘ক’ স্মারকে মাধ্যমিক ও উচ্চ শিক্ষা বিভাগে পত্র প্রেরণ করা হয়।

০২। মাধ্যমিক ও উচ্চ শিক্ষা বিভাগ কর্তৃক সূত্রস্থ ‘খ’ স্মারকে প্রধানমন্ত্রীর শিক্ষা সহায়তা ট্রাস্ট, ডাক অধিদপ্তর ও নগদ লিমিটেড এর মধ্যে সম্পাদিত চুক্তির মেয়াদ আগামী ৩০ জুন ২০২৫ তারিখ পর্যন্ত থাকায় ত্রিপক্ষীয় চুক্তির আলোকে বর্তমানে HSP-MIS সফটওয়্যারে বিদ্যমান অনলাইন ব্যাংক হিসাব এবং ‘নগদ’ একাউন্ট ব্যতীত অন্যান্য মোবাইল ব্যাংকিং একাউন্টসমূহের শিক্ষার্থীদের উপবৃত্তি প্রদানের লক্ষ্যে তাদের একাউন্ট ‘নগদ’ এ রূপান্তর করার বিষয়ে চুক্তি মোতাবেক পরবর্তী প্রয়োজনীয় ব্যবস্থা গ্রহণের জন্য অনুরোধ করা হয়েছে।

০৩। উল্লেখ্য যে, HSP স্কিমের আওতায় ৬ষ্ঠ থেকে ১২শ ও সমমান শ্রেণির উপবৃত্তি ডাক অধিদপ্তরের মোবাইল ফিন্যান্সিয়াল সার্ভিস ‘নগদ’ এর মাধ্যমে প্রদানের লক্ষ্যে প্রধানমন্ত্রীর শিক্ষা সহায়তা ট্রাস্ট, ডাক অধিদপ্তর ও নগদ লিমিটেড এর মধ্যে ত্রিপক্ষীয় চুক্তি রয়েছে। উক্ত চুক্তি অনুযায়ী ‘নগদ’ হিসাব এর মাধ্যমে উপবৃত্তি বিতরণের লক্ষ্যে HSP-MIS সফটওয়্যারে বিদ্যমান অনলাইন ব্যাংক হিসাব এবং ‘নগদ’ একাউন্ট ব্যতীত অন্যান্য শিক্ষার্থীদের মোবাইল ব্যাংকিং হিসাব নম্বরসমূহ ‘নগদ’ হিসাব এ রূপান্তর করার লক্ষ্যে ত্রিপক্ষীয় চুক্তি অনুযায়ী বাংলাদেশ ব্যাংকের নিয়ম অনুযায়ী ‘নগদ’ হিসাব খোলা, হিসাবধারীর KYC ফরম পূরণ, পিনসেট করা এবং ডাটা বেইজ বিশুদ্ধকরণ (Data Based Validation) করা প্রয়োজন। এছাড়াও, সামাজিক নিরাপত্তা কর্মসূচির আওতায় সুবিধাভোগী নির্বাচনের ক্ষেত্রে সুবিধাভোগীর তালিকা Validation করার জন্য সরকারি সিদ্ধান্ত থাকায় HSP-MIS সফটওয়্যারে ‘নগদ’ এ রূপান্তরিত না হওয়া বিদ্যমান প্রায় ৯ (নয়) লক্ষ শিক্ষার্থী/অভিভাবকের তথ্য (BRN, NID ও মোবাইল একাউন্ট নম্বর) যাচাই করা প্রয়োজন।

০৪। বর্ণিত অবস্থায়, শিক্ষা প্রতিষ্ঠান পর্যায় থেকে HSP-MIS সফটওয়্যারে বিদ্যমান অনলাইন ব্যাংক হিসাব ও ‘নগদ’ একাউন্ট ব্যতীত অন্যান্য মোবাইল ব্যাংকিং একাউন্টসমূহের হিসাবধারী প্রায় ০৯ (নয়) লক্ষ শিক্ষার্থীদের একাউন্ট নম্বর ‘নগদ’ এ রূপান্তর করার লক্ষ্যে HSP-MIS সফটওয়্যারে “মোবাইল ব্যাংক তথ্য আপডেট” অপশন আগামী ২৮/০৪/২০২৫ তারিখ থেকে ১৫/০৫/২০২৫ তারিখ পর্যন্ত উন্মুক্ত থাকবে। শিক্ষার্থীদের একাউন্ট নম্বর ‘নগদ’ এ রূপান্তর করার ক্ষেত্রে “এতদসঙ্গে সংযুক্ত নির্দেশনা-১” অনুসরণ করার জন্য অনুরোধ করা হলো।

০৫। উপজেলা/থানা মাধ্যমিক শিক্ষা কর্মকর্তাগণকে আগামী ২৮/০৪/২০২৫ তারিখ হতে ২০/০৫/২০২৫ তারিখ পর্যন্ত “এতদসঙ্গে সংযুক্ত নির্দেশনা-২” অনুসরণ করে প্রতিষ্ঠান পর্যায় থেকে প্রাপ্ত উপকারভোগীর সংশোধিত তালিকা অনুমোদন করার জন্য অনুরোধ করা হলো।

উল্লেখ্য যে, HSP-MIS সফটওয়্যার সকাল ০৬.০০ টা হতে রাত ১২.০০ টা পর্যন্ত সচল থাকবে।

সংযুক্তি: নির্দেশনাবলী- ২ পাতা

উপজেলা/থানা মাধ্যমিক শিক্ষা কর্মকর্তা
সকল উপজেলা/থানা।

(মোহাম্মদ আসাদুল হক)
স্কিম পরিচালক (যুগ্মসচিব)
ফোন: ০২-৫৫০০২০৭৩

সদয় অবগতি/অবগতি ও প্রয়োজনীয় কার্যার্থে (জ্যেষ্ঠতার ক্রমানুসারে নয়):

- ০১। সিনিয়র সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশে সচিবালয়, ঢাকা।
- ০২। সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশে সচিবালয়, ঢাকা।
- ০৩। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা।
- ০৪। প্রোগ্রাম কো-অর্ডিনেটর (অতিরিক্ত সচিব), পিসিইউ, এসইডিপি, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়।
- ০৫। ব্যবস্থাপনা পরিচালক, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা।
- ০৬। মহাপরিচালক, মাদ্রাসা শিক্ষা অধিদপ্তর, ঢাকা।
- ০৭। প্রোগ্রাম এক্সিকিউটিভ এন্ড কো-অর্ডিনেটর, BACS and iBAS++ স্কিম, SPFMS, অর্থ বিভাগ (শিক্ষার্থীদের হিসাব নম্বর নগদে রূপান্তর চলাকালীন সময়ে HSP-MIS পর্যবেক্ষণের অনুরোধসহ)।
- ০৮। সিনিয়র সিস্টেম এনালিস্ট, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা (ওয়েবসাইটে প্রকাশের অনুরোধসহ)।
- ০৯। জনাব সমন্বিত উপবৃত্তি কর্মসূচি, প্রধানমন্ত্রীর শিক্ষা সহায়তা ট্রাস্ট, ঢাকা (দায়িত্ব প্রাপ্ত বিভাগ/জেলা অনুযায়ী সংশ্লিষ্ট কর্মকর্তার সাথে যোগাযোগপূর্বক কার্যক্রম পরিবীক্ষণের অনুরোধসহ)।
- ১০। উপজেলা নির্বাহী কর্মকর্তা, সকল উপজেলা।
- ১১। জেলা শিক্ষা অফিসার, সকল জেলা।
- ১২। শিক্ষা প্রতিষ্ঠান প্রধান (স্কিমভুক্ত সকল শিক্ষা প্রতিষ্ঠান)।
- ১৩। প্রোগ্রামার, মাদ্রাসা শিক্ষা অধিদপ্তর, ঢাকা (ওয়েবসাইটে প্রকাশের অনুরোধসহ)।
- ১৪। সহকারী প্রোগ্রামার, সমন্বিত উপবৃত্তি কর্মসূচি, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা (HSP-MIS সফটওয়্যারে শিক্ষার্থীর তথ্য “মোবাইল ব্যাংক তথ্য আপডেট” অপশন চালু নিশ্চিতকরণ এবং HSP-MIS এর নোটিশ বোর্ডে প্রকাশ করার অনুরোধসহ)।
- ১৫। সহকারী প্রোগ্রামার, প্রধানমন্ত্রীর শিক্ষা সহায়তা ট্রাস্ট, ধানমন্ডি, ঢাকা (পিএমইএটি-এর ওয়েবসাইটে প্রকাশ করার অনুরোধসহ)।

শিক্ষা প্রতিষ্ঠানের জন্য

নির্দেশনা-১

ক) www.pmeat.gov.bd ওয়েব সাইটে প্রবেশ করুন। এরপর মেনুবারের “ই-সেবা” বক্সে ক্লিক করে HSP-MIS (ষষ্ঠ-দ্বাদশ) অপশন সিলেক্ট করুন।

খ) অতঃপর শিক্ষা প্রতিষ্ঠানের ইউজার আইডি ও পাসওয়ার্ড দিয়ে HSP-MIS সফটওয়্যারে এ লগইন করুন।

গ) মোবাইল ব্যাংকিং হিসাব (বিকাশ, নগদ, রকেট, শিওর ক্যাশ, এমক্যাশ) নম্বরধারী শিক্ষার্থীদের একাউন্টসমূহ ‘নগদ’ একাউন্টে রূপান্তর/আপডেট করার জন্য নিম্নরূপ প্রক্রিয়া অনুসরণ করুন:

১ম ধাপ: HSP-MIS-এর ড্যাশবোর্ডে “উপবৃত্তি প্রাপ্ত শিক্ষার্থী” অপশন-এ ক্লিক করুন।

২য় ধাপ: “মোবাইল ব্যাংক তথ্য আপডেট” অপশনে ক্লিক করে খুঁজুন বাটনে ক্লিক করুন (যেসকল সক্রিয় উপকারভোগী শিক্ষার্থীর তথ্য পাওয়া যাবে শুধুমাত্র সে সকল শিক্ষার্থীর তথ্য সংশোধন করতে হবে।)

৩য় ধাপ: “সম্পাদনা” বাটনে ক্লিক করুন।

৪র্থ ধাপ: শিক্ষার্থীর ব্যক্তিগত তথ্য -পৃষ্ঠায় শিক্ষার্থীর জন্মসনদ নম্বর যাচাই বাটনে ক্লিক করুন। পিতা ও মাতার NID নম্বর এন্ট্রি করে অনলাইনে যাচাই করুন।

৫ম ধাপ: অভিভাবক হিসাবে পিতা অথবা মাতা সিলেক্ট করুন। পিতা, মাতা ব্যতীত ভাই, বোন বা অন্যান্য অভিভাবক হিসাবে সিলেক্ট করলে তাঁর NID নম্বর Entry করে যাচাই করুন।

৬ষ্ঠ ধাপ: পেমেন্ট তথ্যে- মোবাইল ব্যাংকিং সেবা প্রদানকারী অপশনে ক্লিক করার পর “নগদ” সিলেক্ট করে হিসাবধারীর নাম ও হিসাব নম্বর সঠিকভাবে এন্ট্রি করে যাচাই করুন।

৭ম ধাপ: সর্বশেষ স্ক্রিনের উপরে ডানপাশে সংরক্ষণ বাটনে ক্লিক করুন।

বিশেষ দৃষ্টব্য:

- HSP-MIS সফটওয়্যারে পিতাকে অভিভাবক হিসাবে নির্বাচন করলে পিতার জাতীয় পরিচয়পত্র (NID) ব্যবহার করে রেজিস্ট্রেশন করা মোবাইল নম্বরে পিতার জাতীয় পরিচয়পত্র (NID) ব্যবহার করে ‘নগদ’ একাউন্ট নম্বর খুলতে হবে এবং অভিভাবক ও হিসাবধারীর নাম হিসাবে পিতার নাম এন্ট্রি করতে হবে।
- একইভাবে অভিভাবক হিসাবে মাতাকে নির্বাচন করলে মাতার জাতীয় পরিচয়পত্র (NID) ব্যবহার করে রেজিস্ট্রেশন করা মোবাইল নম্বরে মাতার জাতীয় পরিচয়পত্র (NID) ব্যবহার করে ‘নগদ’ একাউন্ট খুলতে হবে এবং অভিভাবক ও হিসাবধারীর নাম হিসাবে মাতার নাম এন্ট্রি করতে হবে।
- পিতা/মাতার অনুপস্থিতিতে অন্য কোন ব্যক্তিকে (ভাই/বোন/অন্যান্য) অভিভাবক হিসাবে নির্বাচন করলে তাঁর জাতীয় পরিচয়পত্র ব্যবহার (NID) করে রেজিস্ট্রেশন করা মোবাইল নম্বরে তাঁর জাতীয় পরিচয়পত্র (NID) ব্যবহার করে ‘নগদ’ একাউন্ট খুলতে হবে এবং অভিভাবক ও হিসাবধারীর নাম হিসাবে তাঁর নাম এন্ট্রি করতে হবে।
- ‘নগদ’ একাউন্ট খোলার ২৪ ঘণ্টা অতিবাহিত হওয়ার পর HSP-MIS সফটওয়্যারে শিক্ষার্থীদের তথ্য আপডেট করার ক্ষেত্রে একাউন্ট নম্বর যাচাই করার অনুরোধ করা হলো।

উপজেলা/থানা মাধ্যমিক শিক্ষা কর্মকর্তাদের জন্য

নির্দেশনা-২

১। www.pmeat.gov.bd ওয়েব সাইটে প্রবেশ করুন। এরপর মেনুবারের “ই-সেবা” বক্সে ক্লিক করে HSP-MIS (ষষ্ঠ-দ্বাদশ) অপশন সিলেক্ট করতে হবে।

২। উপজেলা/থানা মাধ্যমিক শিক্ষা কর্মকর্তা ইউজার আইডি ও পাসওয়ার্ড দিয়ে HSP-MIS সফটওয়্যারে এ লগইন করুন।



১ম ধাপ: HSP-MIS -এর ড্যাশবোর্ডে “উপবৃত্তি প্রাপ্ত শিক্ষার্থী অপশন”-এ ক্লিক করুন।



২য় ধাপ: “মোবাইল ব্যাংক তথ্য অনুমোদন” অপশনে ক্লিক করে খুঁজুন বাটনে ক্লিক করুন।



৩য় ধাপ: সঠিক ভাতাভোগীদের তথ্যের বামপাশে চেক বক্সে টিক দিয়ে “পিএমইটি অনুমোদন” বাটনে ক্লিক করুন।